



Broj: 428/23

Datum: 13.03.2023.godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni Glasnik BiH“ br. 39/14 i br. 59/22), Pravilnika o javnim nabavkama roba, usluga i radova br. 2448/22 od 30.12.2022.godine, Statuta JP „LOKOM“ d.o.o. Sarajevo (Službene novine KS br. 15/13, br. 47/14, br. 29/18 i br. 3/22), Zapisnika o pregledu i ocjeni ponuda br. 418/23 od 10.03.2023.godine i Dopune zapisnika o pregledu i ocjeni ponuda nakon e-aukcije br. 425/23 od 13.03.2023.godine, a na preporuku Komisije za javnu nabavku, Direktor **d o n o s i**

## **O D L U K U** **o izboru najpovoljnijeg ponuđača**

### **Član 1.**

Prihvata se preporuka Komisije i Ugovor u predmetu javne nabavke i sukcesivne isporuke asfalta za potrebe JP „LOKOM“ d.o.o. Sarajevo, dodjeljuje se najpovoljnijem ponuđaču: DEMUS d.o.o. Sarajevo sa sjedištem u Sarajevu, ul. Hamdije Kreševljakovića br. 18/II sa cijenom ponude u iznosu od 199.000,00KM bez uračunatog PDV-a, odnosno 232.830,00KM sa uračunatim PDV-om.

### **Član 2.**

Izabrani ponuđač se oslobađa naknadnog dostavljanja dokumentacije tražene tačkom 3.1.3 tenderske dokumentacije koja se odnosi na član 45. stav (2) Zakona i dokumentaciju traženu u tački 3.4. tenderske dokumentacije koja se odnosi na tehničku i profesionalnu sposobnost, obzirom da su iste dostavljene uz ponudu u skladu sa zahtjevima iz tenderske dokumentacije.

### **Član 3.**

Prijedlog ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

### **Član 4.**

Za izvršenje ove Odluke zadužuje se Služba za ekonomsko finansijske poslove, marketing i pravne poslove u Sektoru za zajedničke poslove.

### **Član 5.**

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

### **Član 6.**

Protiv ove Odluke dozvoljena je žalba u roku od 10 (deset) dana od dana prijema iste.

## **O b r a z l o ž e n j e**

Postupak javne nabavke roba - Nabavka i sukcesivna isporuka asfalta za potrebe JP „LOKOM“ d.o.o. Sarajevo, pokrenut je Odlukom o pokretanju postupka javne nabavke br. 219/23 od 15.02.2023.godine. Javna nabavka provedena je putem otvorenog postupka. Procijenjena vrijednost javne nabavke bez PDV-a iznosila je 202.800,00KM. Komisija za javne nabavke imenovana je Rješenjem br. 220/23 od 15.02.2023.godine.

Obavještenje o nabavci i tenderska dokumentacija su objavljeni na Portalu javnih nabavki dana, 16.02.2023. godine u 15:53 sati pod brojem: 269-1-1-4-3-2/23, u „Službenom glasniku BiH“ br. 12/2023 od 24.02.2023.godina. Za predmetnu nabavku, tekst tenderske dokumentacije otvorenog postupka ponuđači su mogli preuzeti samo putem Portala javnih nabavki. Na osnovu obavještenja na



Portal javnih nabavki tendersku dokumentaciju sa portala e-nabavke je preuzelo 6 (šest) ponuđača. U periodu koji je ostavljen za dostavljanje ponuda nije bilo pitanja vezano za pojašnjenje tenderske dokumentacije.

Krajnji rok za dostavu ponuda je bio 10.03.2023.godine do 12:10 sati. Pristigle ponude otvorene su 10.03.2023.godine u prostorijama JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova, o čemu je Komisija sačinila Zapisnik o otvaranju ponuda br. 414/23 od 10.03.2023.godine, u kojem je konstatovano da su u predviđenom roku, u propisno upakovanim kovertama, pristigle tri (3) ponude, i to ponuđača:

	<b>Broj protokola</b>	<b>Naziv/ Ime ponuđača</b>	<b>Datum i sat prijema</b>
1	144/23	DEMUS d.o.o. Sarajevo	10.03.2023. godine u 08:00 sati
2	145/23	STRABAG d.o.o. Sarajevo	10.03.2023. godine u 09:30 sati
3	146/23	„ADO-TRANS“ d.o.o. Visoko	10.03.2023. godine u 09:39 sati

Na javnom otvaranju ponuda prisustvovao je gdn. Matanović Damir, predstavnik ponuđača STRABAG d.o.o. Sarajevo i gdn. Dženan Užičanin, predstavnik ponuđača ADO-TRANS d.o.o. Visoko koji su prije otvaranja ponuda Komisiji dostavili ovlaštenje za učešće na javnom otvaranju blagovremeno pristiglih ponuda. Zapisnik o otvaranju ponuda br. 414/23 od 10.03.2023.godine je dostavljen učesnicima predmetnog postupka putem e-maila u zakonom predviđenom roku.

Komisija za javne nabavke je izvršila pregled i ocjenu ponuda, o čemu je sačinila Zapisnik o pregledu i ocjeni ponuda br. 418/23 od 10.03.2023.godine, u kojem je utvrđeno sljedeće:

- da su u predviđenom roku, u propisno upakovanim kovertama, pristigle tri (3) ponude, i to ponuđača: DEMUS d.o.o. Sarajevo, STRABAG d.o.o. Sarajevo i „ADO-TRANS“ d.o.o. Visoko;
- da nije bilo neblagovremenih ponuda;
- da nisu vršene ispravke u ponudama;
- da prilikom računске kontrole, a u skladu sa članom 17. Uputstva za pripremu modela tenderske dokumentacije i ponuda, u zaprimljenim ponudama nema računskih grešaka;
- da su svi ponuđači dostavili traženu garanciju za ozbiljnost ponude na propisan način i u skladu sa zahtjevima iz tenderske dokumentacije;
- da niti jedna dostavljena ponuda nije ocijenjena kao ponuda sa neprirodno niskom cijenom u smislu člana 66. ZJN i člana 17. Uputstva za pripremu modela tenderske dokumentacije i ponuda.
- da su pristigle ponude ponuđača: „DEMUS d.o.o. Sarajevo, STRABAG d.o.o. Sarajevo i „ADO-TRANS“ d.o.o. Visoko ocijenjene prihvatljivim u formalno-pravnom, ekonomskom i tehničkom smislu, odnosno iste su u skladu sa tenderskom dokumentacijom, ispunjavaju kriterije za kvalifikaciju i ne prelaze planirana, odnosno osigurana novčana sredstva ugovornog organa za predmetnu nabavku.
- da je tenderskom dokumentacijom u tački 4.13 predviđeno provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 13.03.2023.godine sa početkom u 10:00 sati. Na e-aukciju su pozvani ponuđači sa početnim cijenama navedenim u tabeli, kako slijedi:

<b>Red. broj</b>	<b>Naziv/ime ponuđača</b>	<b>Cijena ponude (bez PDV-a)</b>
1.	STRABAG d.o.o. Sarajevo	200.600,00KM
2.	„ADO-TRANS“ d.o.o. Visoko	201.500,00KM
3.	DEMUS d.o.o. Sarajevo	202.600,00KM



Komisija je u skladu sa kriterijumom za dodjelu ugovora – najniža cijena, a nakon provedene e-aukcije, sačinila konačnu rang listu ponuđača kako slijedi:

Red. broj	Naziv/ime ponuđača	Konačna cijena (bez PDV-a)	Procenat umanjenja ukupne ponuđene cijene nakon završene e-aukcije	Rang
1.	DEMUS d.o.o. Sarajevo	199.000,00	1,78%**	1
2.	STRABAG d.o.o. Sarajevo	199.259,00	0,67%**	2
3.	„ADO-TRANS“ d.o.o. Visoko	201.500,00	0%	3

Nakon pregleda i ocjene ponuda, te provedene e-aukcije u postupku javne nabavke i sukcesivne isporuke asfalta za potrebe JP „LOKOM“ d.o.o. Sarajevo, Komisija za javne nabavke dostavila je DirektorU Ugovornog organa Zapisnik o pregledu i ocjeni ponuda br. 418/23 od 10.03.2023.godine, Dopunu zapisnika o pregledu i ocjeni ponuda nakon e-aukcije br. 425/23 od 13.03.2023.godine i Preporuku o izboru najpovoljnijeg ponuđača u predmetnom postupku javne nabavke.


U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama („Službeni glasnik BiH“ br. 39/14 i br. 59/22), podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je ponuda ponuđača DEMUS d.o.o. Sarajevo sa sjedištem u Sarajevu, ul. Hamdije Kreševljakovića br. 18/II sa cijenom ponude u iznosu od 199.000,00KM bez uračunatog PDV-a, odnosno 232.830,00KM sa uračunatim PDV-om, izabrana primjenom kriterija „najniža cijena“.

Shodno navedenom, primjenom člana 64. stav (1), tačka b) Zakona o javnim nabavkama, odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema ove Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

JP „LOKOM“ d.o.o. Sarajevo  
Direktor  
  
Adnan Šabanović

Dostavljeno:

1. Ponuđačima,
2. Službena stranica Preduzeća,
3. Komisiji za javne nabavke,
4. a/a.